



FEDERACION GALLEGA DE ASOCIACIONES DE
TRANSPORTES DE VIAJEROS EN AUTOCAR

CIRCULAR INFORMATIVA Nº 25/2010

FECHA 26.05.2010

ASUNTO: ASUNTO:

AXUDAS Ó FOMENTO DA SEGURANZA, INCORPORACIÓN DE NOVAS TECNOLOXÍAS E MELLORAS AMBIENTAIS NO TRANSPORTE PÚBLICO POR ESTRADA. BOE, 2 DE XUÑO DE 2010.

Orde do 4 de maio de 2010 pola que se establecen as bases reguladoras para a concesión das subvencións a persoas físicas e xurídicas titulares de autorizacións de transporte público por estrada para o fomento das condicións de seguranza e da incorporación de novas tecnoloxías e melloras ambientais, e se procede á súa convocatoria para o ano 2010.

Obxecto.

Concesión de subvencións destinadas a fomentar a seguranza, a incorporación de novas tecnoloxías e a aplicación de melloras ambientais no sector do transporte por estrada en Galicia.

Consideraranse gastos subvencionables os seguintes:

- a) Adquisición de ordenadores e demais material informático necesario para poder utilizar na empresa a sinatura dixital.
- b) Aplicación ou renovación de sistemas de xestión da calidade ou ambientais, certificados de conformidade coas normas ISO, UNE 13816 ou EMAS.
- c) Só para os transportistas autónomos, disposición do manual do condutor para a implantación das normas ISO no transporte por estrada.



FEDERACION GALLEGA DE ASOCIACIONES DE
TRANSPORTES DE VIAJEROS EN AUTOCAR

d) Disposición de vehículos adaptados á normativa europea sobre emisión de gases contaminantes EURO4 ou superior.

e) Disposición de sistemas de control de frotas con elementos de xestión, localización e control por satélite que estean conectados a un centro de control a través da tecnoloxía GPS-GPRS.

f) Aplicación de sistemas de prevención de riscos laborais.

g) Disposición de vehículos que fosen modificados para equipalos con cinto de seguranza en todos os asentos.

h) Disposición de vehículos que fosen modificados para adaptalos para o seu uso por persoas con mobilidade reducida. Para estes efectos, considerárase subvencionable unicamente a introdución no vehículo dalgún dos seguintes elementos: rampla de acceso, mecanismos de subida e baixada ou adaptación para cadeiras de rodas dos espazos interiores.

O procedemento de concesión das axudas será o de concorrencia non competitiva.

Beneficiarios.

Persoas físicas ou xurídicas cuxa actividade sexa o transporte por estrada, tanto de viaxeiros como de mercadorías.

Contía das axudas.

As axudas distribuiranse en función do número de copias das autorizacións de que sexa titular o interesado o día de presentación da solicitude electrónica. O importe das axudas, segundo a clase de autorización e o número de copias de que dispoña a persoa solicitante, será o seguinte:

a) Por cada copia de autorización MDP, 820 euros.

b) Por cada copia de autorización MDL, 103 euros.



FEDERACION GALLEGA DE ASOCIACIONES DE
TRANSPORTES DE VIAJEROS EN AUTOCAR

c) Por cada copia de autorización VD para a realización de transporte discrecional, 448 euros.

O importe máximo da axuda por beneficiario, xunto coa suma de calquera outra axuda de estado cualificada como de minimis que recibira no presente e máis nos dous últimos exercicios fiscais non superará a contía de 100.000 €.

Solicitudes.

Deberá presentarse unha única solicitude por beneficiario, que deberá comprender a totalidade das autorizacións e copias para as cales pretenda obter as axudas reguladas nesta orde.

Xunto coa solicitude impresa achegarase a seguinte documentación, en orixinal ou fotocopia cotexada:

a) Documento nacional de identidade (DNI) do asinante da solicitude, no suposto de que non marque a autorización prevista no artigo 9º.6.

b) No caso de que a persoa que asina en representación dunha empresa non sexa aquela que figura como capacitada ante a administración, deberase presentar, ademais, o poder que acredite a súa habilitación para actuar como representante.

c) Identificación da autorización ou autorizacións de transporte público e da copia ou copias para as cales solicita a axuda. Esta identificación farase mediante a cobertura do formulario de solicitude.

d) Certificación bancaria orixinal do número de conta, de non constar de alta no rexistro de terceiros da Xunta de Galicia.

e) Documentación xustificativa da condición ou condicións, de entre as contidas no artigo 1º.3 da orde, que cumpre o solicitante.



FEDERACION GALLEGA DE ASOCIACIONES DE
TRANSPORTES DE VIAJEROS EN AUTOCAR

Lugar, forma e prazo de presentación das solicitudes.

O formulario da solicitude de axuda cubrirano e obterano necesariamente os solicitantes a través do enderezo da internet: <http://www.cmati.xunta.es/sutran>.

Unha vez completada a solicitude en liña, presentarase impresa e debidamente asinada, así como a documentación requirida, preferentemente no rexistro do Servizo de Mobilidade do Departamento Territorial da CMATI que corresponda, sitos nos seguintes enderezos:

- a) A Coruña: Alcalde Pérez Ardá, 4, 15008 A Coruña.
- b) Lugo: rolda da Muralla, 70, 27071 Lugo.
- c) Ourense: José Ángel Valente Docasar, 2 baixo, 32003 Ourense.
- d) Pontevedra: Fernández Ladreda, 43-1º, 36003 Pontevedra.

Así mesmo, a solicitude impresa, acompañada da documentación correspondente, poderá presentarse por calquera dos medios previstos para a presentación de instancias.

O prazo de presentación de solicitudes comezará o día 3 de xuño e rematará o día 16 de xullo de 2010, incluído.

Información aos interesados.

Sobre este procedemento administrativo poderase obter información adicional na Dirección Xeral de Mobilidade, a través dos seguintes medios:

- a) Páxina web oficial da consellería: (www.cmati.xunta.es)
- b) Os teléfonos dos Servizos de Mobilidade dos Departamentos Territoriais da CMATI: 881 88 10 03; 982 29 44 21; 988 68 73 06; 886 20 60 02.
- c) O enderezo electrónico: mobilidade@xunta.es